



PARLAMENTO NACIONAL
Secretariado da Bancada Parlamentar de FRETILIN

KOMUNIKADU DE IMPRENSA

Díli, 26 de Julho de 2018

FRETILIN Apresenta Mosaun Rejeisaun ba Programa VIII Governu Konstitusionál

FRETILIN apresenta mosaun rejeisaun ba Programa VIII Governu hafoin halo análise no diskusaun ba programa refere.

“Programa ida ne’e la refleta nesesidade no kontektu atuál ita-nia Povu no Nasaun nian, nein governu atuál iha kapasidade atu ezejuta programa sira ne’e iha tinan 5 nia laran,” deklara Prezidente Bankada FRETILIN, Representante Aniceto Longuinhos Guterres Lopes.

“Programa ida ne’e hanesan manifestu eleitorál antesipadu ida, ne’ebé demonstra Primeiru-Ministru nia konsiénsia katak ninia governu ne’e governu kontratadu ida ho termu sertu husi lider partidu CNRT nian, Xanana Gusmão,” Representante Aniceto Guterres kontinua.

Representante FRETILIN iha Parlamentu Nasionál konsidera katak Programa ida ne’e la klaru iha relasaun ho projesaun ne’ebé programa ida ne’e bele atinje, espesifikamente, iha tinan 5. Programa ne’e mós apresenta meta ne’ebé jerál tebes e la demonstra ho klaru ligasaun entre objetivu, meta ho asaun.

“Programa ne’e temi kriaunsaun empregu rihun neen-nulu (60.000) kada tinan, maibé ida ne’e lia-fuan mamuk tanba la indika setór ka indústriia ida ne’ebé mak atu loke servisu-fatin sira ne’e,” Aniceto esplika.

Programa ida ne’e foti Dezenvolvimentu Tasi Mane nudár fatór determinante atu hasa’e kreximentu ekonómiku iha Timor-Leste, maibé governu rasik laiha kapasidade atu garante ho serteza katak dezenvolvimentu Kampu Greater Sunrise sei akontese.

Governu nia falta de koezaun interna, inkluidu falta de kapasidade atu kompleta formasaun governu, sei la fasilita implementasaun ba Programa VIII Governu ida ne'e, ne'ebé la'ós realista.

Programa ida ne'e mós la'o tuir liña propaganda eleitorál nian, hodi hatudu mak liman ba RAEOA/ZEESM. "Governu nia alvu mak atu hatún, hodi haluhan tiha frakasu sira ne'ebé Governasaun CNRT/AMP/Bloku halo durante tinan 10. Durante tinan tolu ne'e, úniku kazu dezenvolvimentu ne'ebé hetan susesu akontese iha RAEOA ho ZEESM," Aniceto hatete.

"Mosaun rejeisaun ida ne'e la signifika katak ami ignora nesesidade Povu nian. Kualkér governu iha devér atu responde ba nesesidade ida ne'e, maibé ho programa ne'ebé mak governu ida ne'e hatudu, buat ida ne'e sei la realiza hanesan hatudu ona iha tinan 10 ba kotuk," Aniceto konklui.

RAMATA.

BA INFORMASAUN LIU TAN FAVÓR KONTAKTA REPRESENTANTE ANICETO
LONGUINHOS GUTERRES LOPES: 7706 9999